

Алнаш Колхозник

ВКП(б) Райкомлэн но Райисполкомлэн органзы

№ 24 (184) 28 май 1935 ар с. Алнаш, УАССР

Республиканский колхозной праздник

Республикансь азьмынсь колхоз'ёслэн куремзыя арлы быдэ тулыс сельско-хозяйственной уж'ёсыз быдтон массовой колхозной „Гырон быдтон“ праздник ортчытоно шуса, УАССР-нь совнарком но ВКП(б) обкомлэн бюросез 14 мае 1935 арын пуктызы Туэ та праздник 16 но 17 июне орчоз.

„Праздникез колхоз'ёсысь знатной мурт'ёсын районной слет'ёс но ог'я колхозной собрани с ортчыг'ямен огын тулыс ю кизён дыр'я социализмо чашатсконлы йылпум'янь'ёс пэстэмен, сельсовет'ёсыз, колхоз'ёсыз, МТС'ёсыз, бригадир'ёсыз, колхозник'ёсыз—республиканской чашатсконлы вормисьёсыз премировать каремен, вань колхоз'ёсын но районной центр'ёсын массовой народной юмшан'ёс (июляниос), массовой физкультурной чашатскон'ёс шудон'ёс колхоз'ёслэсь но школаослэсь массовой художественной самодеятельностьэс возматэмен, олимпиадас кылдытэмен, колхозной но школьной хоровой, драматической, музыкальной кружок'ёс кылдытэмен, вал'ёс ворттылтон ортчыт'явэн, колхоз базар'ёс но мукет'ёс кылдыт'ямен ознаменоват карено.

Праздникез трэсэн лыд'ясыкис колхозник'ёсыз, колхозницаосыз колхозной улонлэсь Сталинской уставэз быдэс'ян понна нюр'ясконэз, колхоз'ёсыз организационно-хозяйственной ужпум'ёс'я юматон понна нюр'ясконэз, большевик колхоз'ёс но колхозник'ёслэн зажиточной улонзы понна но 1937 арын луоно всеююз'ужано.

ной сельско-хозяйственной выставкае УАССР-ез азьмынсь интыос польсь огаз пыртонэз быдэстись экспонат'ёс сёгон понна мобилизовать карон улсын ортчытон. („УАССР-ысь совнаркомлэн но ВКП(б) обком бюрослэн пуктамьсызы“).

Республиканской колхозной праздник дасяськон вамен асьме районсь азьмынсь колхоз'ёс тулыс сельско-хозяйственной уж'ёсыз быдэс'янын азинлык'ёс кутызы ни. Алнаш сельсоветсь „Луч“ колхоз картонка мергон, пыш кизён планэз быдэстэмен чаш пар гырон но сое усаянэ 21 майлч быдэстиз. Сюрес лэстыон планэз но со дырлы ик 100 процент быдэстиз. Заёмлы взнос тыронь гожтыськем планэс 15 майлы 40 процент быдэстизы.

Писеево сельсоветсь „Горд Октябрь“ колхоз пар гыронэз быдэстэмез сярсь районамы нырысьсэ рапортоват кариз. Колхозник'ёс та вакыт урам'ёссэс вож сад'ёсын шулдыратызы.

Алнашсь „Мотор“ колхоз но отысь колхозник'ёс республиканской колхозной праздниклэн нырысь нуналаз асьсэ автомобилен Можга базаре мыныны дасясько. Кыкетй нуналаз колхозник'ёс возь вылэ потса юмшан кылдытозы. Ударник'ёс премировать каремен луоз.

Республиканской колхозной праздник образцово дасяськон вамен али ортчис сельско-хозяйственной уж'ёсыз умой но зечлыко быдэс'яно Азьмынсь колхоз'ёслэн примерзыя ужоно.

Сюрес месячникын

„Луч“ планэз быдэстиз

15 майсен 15 июнэз Республиканы Совнаркомлэн но ВКП(б) Обкомлэн пуктамзыя, быдэсак республикамы, озы ик Алнаш районьн сюрес лэстыон месячник орчте.

Сюрес лэстыонэн районмы кылем арин республикансь азьмынсь район'ёс полын вал. Туэ но азьмын басьтыны вань луснык'ёс киямы Кылем арлэсь опытсэ уже пычатэм'ёс азитскизы ни. Со нырысь ик сюресэз дун'ям но месячниклэн кутсконьсеныз ик уже кутскон бордын. Алнаш сельсоветсь „Луч“ колхоз 30 погонной метр из сюрес лэстыса планэз 21 мае быдтиз. Писеево сельсоветсь вань колхоз'ёс сюрес ужын ужало. Кучер'ян сельсоветсь „Байшур“ колхозник'ёс выж лэстыон планэс быдэсто.

А. Никитин.

Ковьдон огазеянысь

Туташ планэз быдэстиз

Туташево сельсовет выль заёмлы взнос люкан кыкетй кварталлы тутатэм планэз 18 майлы 103 процентлы быдэстиз.

Заёмлы взнос тыронь Писеево но Ю-Ятча сельсовет'ёс бере кылё. Возматэм дырлы отын взнос'ёс чик бичамын ёвёл на.

А. Солов.

Заёмен но азьмынэ

Алнаш сельсоветсь „Луч“ колхозсь колхозник'ёс выль заёмлы гожтыськемлы взнос тыронэс 15 маёз 40 процентлы быдэстизы. Лыдын вераса 207 манет взнос тыремын.

Заёмлы взнос тыронэн „Луч“ колхозник'ёс селдосветын ик азьмыно.

Чеснанов

Кадр'ёс ваньзэ решать каро

Горд армилэн академик'ёсызлы выпуск лэстыку 4 мае 1935 арин Сталин эш кадр'ёс сярсь туж валомон вераз.

Зэмзэ ик, асьме районэз ке но басьтоно, линал выль кадрез кыче ке кивалтон уже лэзё но, собере сое вунэто, уг эскеро, ужзэ уг учко. Та бордысен янгыш'ёс но луыны быгатэ. Мон тыгын ас сярсьтым, верало. 1933 арлэн 18 мартысеныз мон дышетись луса ужасько. Дышетскеме бадзым ёвёл, педтехникуме ой ик пыралла. Педология но педагогикаез уг валасько ке но шуи янгыш уг луы. Та бордысен дышетон ужын янгыш'ёс но луыны быгатоз. Та ужез нош кытыяз нокин но уг эскерылы. Районо мыным сямен ик мукет но ёжыт дышетскем дышетисьёслы юрттэт ёжыт сётэ шуса малпано луэ. РОНО-ен тодисьясыкис Березкин эш валэктон сётылаке но, сое тырмыт шуыны уг луы.

„Кадр'ёс ваньзэ решать каро“ шуэм лозунг сое кура, асьме кивалтысьёсмы „пичиосызы“ но „бадзым'ёсызлы“ но котыкыче ужын соос мед ужалозы, самой сюлмаськон мылкыд мед возматоз, соосыз сюлмаськыса мед будэтозы, юрттонлы (поддержка) кулясыкис дыр'язы мед юрттозы, соос нырысь азинтскон'ёс возматон дыр'я соосыз азылань выдвигать мед карозы но мукет“.

(Сталин). Сталин эшлэсь верам'ёссэ ужен быдэстон парти, совет-профсоюз, комсомол организациосын артэ ик вань асьме ужасьёслы, со полын ик районолы честной ужен луыны кулэ.

Сталин эшлэсь верам'ёс проработать карим

Кучер'ян сельсоветсь парторганизациын Сталин эшлэсь верам'ёс проработать карыса, собранисен ик колхоз'ёсын проработать карыны докладчик'ёс вис'ям. „Каганович“, „КИМ“, „Коллективист“, „Ленино“, „Луговик“, „Бубново“, „Байшур“ но „Крупская“ (сельсоветсь вань колхоз'ёсын) 17 мае проработка орчтыз. Проработкаын таёе уж'ёс шараяськызы. „Каганович“ колхозэ Касьянов агароном куинь толэзэ чоже ветлытэк улэм. Кизён дыр'я лыктыса, сеял-калэн маиз ке шонер вылымтэысьтыз сеяльщикез ужысьтыз куштэм. Тини Касьянов кызыбы пинял колхоз кадр'ёслы „валэктэ“. Озы ик МТФ но СТФ осын ужасьёсыз валэктон ласянь специалист'ёсын уж тырмыт вольмэтэмын ёвёл на.

Сталин эшлэсь верам'ёссэ дан'яса, социализмо лэстыськонлэн вань у ч а с т ' ё с к ' з с л а з у ж а н ы к а д р ' ё с к ' з с л а з у ж а н ы будэтом. Парторг—А. Ходыров.

Вераськеммы буш ёз луы

Алнаш сельсоветсь „Красный партизан“ колхозын 16-ти мае Сталин эшлэсь Горд армилэн академик'ёсызлы выпуск лэстыкуз 4-ти мае верам'ёс проработать каремен. Кадр дасян сярсь вераськыку дан'яса, колхозник'ёс гужем ужась партикола усытыны парти райкомлэсь куризы. Куремзы ужен быдэсме. 19-ти мае политшкола орчиз. Отын Сталин эшлэн 17 парт'ездын верамезлэн—идейно-политической воспитать но организовангой кивалтон уж“ сярсь ЛНШ программая беседа орчиз. Школаын 11 мурт вал. Ильясоч Х., Уразмавов Х., Камалов М., эш'ёс сельхозартель но коммуна устав сярсь, подбор кадров но ужлэсь быдэсмеэз эскерон сярсь, вельмож но болтун тип'ёс сярсь вераськон'ёс поттызы.

Вуоно занятыосмылы сётэм заданыосыз эшшо но умой проработать карыса дасяськом, акивность будэ. Мин. Хриштин.

Партиной день актив-но орчиз

16 мае „Киров“ колхозын партийной день орчтытэмын. Сталин эшлэсь Горд армилэн академик'ёсызлы выпуск лэстыкуз верам'ёс проработать карыны парти член'ёс но комсомолец'ёс сяна, беспартийной актив участвоват кариз, соос полын бригадир'ёс, колхоз правление член'ёс.

Сталин эшлэсь верам'ёс дан'яса, уж вылын быдэстон понна, комсомолец'ёс военной кружок организовать карызы, собранисен ик со кружокен кивалтысь бырьемын. Соин чаш ик агротехнической кружоклэсь ужзэ умой выльдыны но дышетскыны понна вань комсомолец'ёс агрокружок членын. Сталин эшлэсь верам'ёс проработать карыны ми дорын практикаын ужась комвузысь студент'ёс но соос польсь тужгес ик Каракулов эш юрттызы. Та бордысен собрание но активно орчиз.

Комсорг—М. Легинов.

Переходящей горд знамя Азамат сельсовет кыин Азьмынсьёслы—премиос

Азамат сельсовет кыкетй кварталлы тутатэм коньдон огазеянэ 132 процентлы, со польсь заёмлы взнос 133 процентлы быдэстиз. Райисполком президиумлэн пуктамез'я, районсь переходящей горд знамя Азамат кие юматэмын. Сел.советлэн председателез Верцагин но счетоводэз Шмыков эш'ёс быдэн пойшуран пычалэн премировать каремен.

Со сельсоветсь ик „Решительный“ колхоз выль заёмлы гожтыськем вань подпискаезлы—3796 манет взнос тыронэз быдэстизы. Колхозлэн председателез Корепанов эш, коммунист, Грамотаен во примусен премировать каремен. Нош колхозлы 61 манеттыр вал кыткон сбура-премия сётэмын.

Байтерьяк сельсоветсь „Мачта“ колхоз но квартальной планэз заёмен валче 100 процентлэсь мул-

тэсэн быдэстиз Колхоз председатель Михайлов эш премировать каремен.

Туташ сельсоветсь „Спартак“ колхоз заём понна ик вал кыткон тырлыкэн но солэн председателез Луковников грамотаен премировать каремен.

Писеево сельсоветсь „Вормись“ колхоз, заёмлы взнос 3 сюрс манет—55 проц. тырмытэмез понна грамотаен премировать каремен. Уд-Таймобаш сельсоветлэн председателез Белов но счетоводэз Самаров эш'ёс грамотаен премировать каремен, соос вклад'ёс'я сельсоветазы планэз 750 процентлы быдэстизы.

Бере кылысьёслы премия басьтэм эш'ёслэн жоглык'ёсынызын ужаса, коньдон огазеян кварталной планэз зечлыко быдэстоно.

Выли удалтонлык понна нюрьяськын али быдэстоно уж'ес

Тулыс кизёнэз азинлык орчтонно куазьлэн метеорологической условиозлэн умойлык—озимовой кослы будыны но выли удалтонлык басыны база кылдытзы. Нош та борды гинэ дугдыса, буйгатскы уг луы. Асьме культурной бусы растениослэн будонзылы но юнманзылы люкетись трос секыт'ес но тушмон'ес вань. Нырсь ик со тушмон—жаг турын луэ, кудйз удалтонлык 15-20 процентлы кулэстыны быгатэ, нош солэсь но туж тушмонэн—юлэн вредительёсыз но висён'ёсыз луэ, кудйз тросэн вёлмон дыря кизем юэз 100 процентэ ик быдтыны быгатэ. Озы ик кынтылон'ес но луыны быгато, кудёсыз картопка но бакча емышёсыз лябзытонэ вутто, сиче уж 1934 арлэн гужемаз но вал.

Берлээ ик вераса, выли удалтонлык луиз ке ю, нош асьмеос со удалтонлык окгыны кутсаны но толлы утылтыны умой ом ке дасяське, та бордысен юэз ыштон'ес (потери) луыны быгатэз.

Озы бере, зэмэз но выли удалтонлык но трудоденьлы быдэ трос нянь бастон понна—али ик вань сельсовет ёслы, колхоз правлениослы очередной сельскохозяйственной уж'ёсыз боевой быдэсьяно.

Вредительёсын нюрьяськон

Сельскохозяйственной растениослэн вредительёсынызы нюрьяськон понна котькуд колхозын лэстыны луымон амал'ес дасяно:

1) Влохоловкаос—куд'ёсыз кылем арын етйлен кибьосынызы нюрьяськонны кужмо средствоен вал.

2) Кулэ луйсь пень даёно но опыливание орчтон понна райозысь химикат'ес бастыно.

3) Вредительёсын нюрьяськон сярсь районной агропривлаосыз проработат кароно но вредительёслэсь потэмэс нуналлы быдэ чаклан нуно. Вредительёслэсь потонзэс шараян дыря соку ик соин нюрьяськон амал'ёсыз уже кутыно, соин чош ик со сярсь Райзолы, яке МТС лы тодытоно.

Уриськон

Жаг турынэн нюрьяськон понна вань юослы 100 процент уриськон (прополка) кылдытоно, нош вань валэз тысь юосыз одно ик 2 пол урон орчтыно. Озимовой культураосыз узымлысь гумьяськыны кутскемезлэсь азьвил уроно, сотэк жужит луыса лэгаскыны быгатоз.

Валэз юосыз но тужгес ик етй уронэз нырсьсэ 7-10 см жуждала дыр'яз орчтыно, нош кыкетйзэ уронэз 10-15 нунал орчтем бере.

Картопкаез но корнеплодэз утылтон

Кынтон'ёсын нюрьяськон понна, картопкаез мертэм бере кулэ луис интыосын дымовой завеслэ горючей материал нулдыса дасяно (куро кыдлысо нёр, но мукетыз) тйи сое кезыт уйёсын сугоно. Соку чынэз картопка пуд вылэ но му вылэ вёлдыськыса, картопкаез кынмонлэсь утэз.

Картопка нимыстыз ик сюлмо утылтэмез яратэ: а) картопка чуд'ёс потыны кутскыку капчи усыен 2 пол эс усыяно, нош секыт муз'емо интыосын одно ик усы пине силё (хворост) жужытэз 15-20 см дыр'яз нырсетйзэ окучивать кароно но чур'ёсэ уроно, валэн окучивать карем бере суйзэ кын тупат'яно. Кыкетйзэ суй жутканэз сяскаьяськемезлэсь азьвил орчтыно.

Корнеплод'ёсыз утылтон ласянь

асьмелэн кырыж учкон ван' на. Нош корнеплод со котькуд юлэсь но умой утылтэмез куре. Нырсь ик сое куньпол уран орчтыно, отысь жаг турын'ёслы 3 см-лэсь вылэ жутскыны маза сёгоно ёвл. Кыкпол шератон (прореживание) орчтыно: нырсьсэ корнеплодлэн 3-6 см жуждала дыр'яз но кыкетйзэ 15 нунал со бере орчтыса. Корнеплодэн корнеплод кусыпез 20-26 см кельтоно.

Вань уриськон уж'ёсыз азинлык быдэстон понна ужез шонер организоват карем кулэ. Котькуд бригадын 5-6 муртэн звеноос кылдытйсько, со звеноос борды участок'ёс юнматйсько. Етйн но пыц уронын ужасьёслы трудодень 5-тй группая тырйське. Картопка, корнеплод но емыш'ёслы 4-тй группая но тысё юосыз урисьёслы 3-тй группая

Гырем парез умой утылтоно

Пар тыронэз быдэстамен чош ик кыед поттонэз но быдэстоно. Колхозлэн ог'я гид'ёсыстыз, колхоз юрт'ёсы но единоличник'ёсын но кыедэз 100 процент поттоно. Макем вазь поттэмын луиз кыед, сокем ик вазь со сисымыны но сйзыл кизёнлы умой дась луоз. Вань тырем пар'ёсыз соку ик усыяно, сотэк муз'ем куасьмоз но комокесь луоз. Гужем вакытэ парез 2 пол культивироват кароно: нырсьсэ 4-6 см но кыкетйзэ 6-8 см. мурда

Ю октон калтонлы дасяськон

Выли верам уж'ёсын артэ ик то октон-калтонлы дасяськоно. Нырсь ик аран, тарнан кутсан машинаосыз тупат'яно, кулэ луис запасной часть'ес Иж, Можга сельхозчаб'ёсысь дасяно, нош отын соос ёвл дыря кыстыны (на отливк) заказ лэстыно.

Куд-ог колхоз ёсын—ми машинаосыз ум тупат'ялэ, милемлы выль машинаос кулэ шуон умойтем мылкыд'ес вань. Сиче мылкыд'ёслы пумпононо. Аран машинаосыз ваен о раничить каремын, соин ик основной ужен вань уборочной машинаосыз ремонтировать карон луэ.

Озы ик курсаськон сарай'ес лэстыноэз организовать кароно, та ужлы райзо дасянь план сётэмын. Куазь зоро луон дыр'я кутсан сарай' 6-7 нунал кутсаны тырмымон культу нулдыны мед луоз.

1935 арын бастэм урожаез утылтыны умой помещениос дасян понна, таке уж'ёс орчтыно:

1) Картофелехранилищаоссы, зернохранилищаоссы ёвлло колхоз'ёсын выльысь соосыз лэстыон организоват кароно, вань огазем колхозной фонд'ес колхозной хранилищаосын мед луозы, 1934 арын семен медаз ло, соку картопка нимаз колхозник'ёслэн муржол'ёсазы тырмын вал.

2) Вань вуж помещениосыз тупат'яно, жаглэ с сузяно, умой тёлатоно но дезинфекция орчтыно.

Таин чош ик кусо, кусо шерон, мажес, санег, гозыос но мукет'ёсэ октон-калтон тирлык'ес тупат'яса, выльёсэ лэстыса дасяно. Вань корт но озы ик пу уробоос тупат'ямын луыны кулэ.

Ужрад'янез умой организовать карон но вань ужась кужымез кутон понна ю октон-кампанилы колхоз'ёсын столовой'ес но нылпи плоцадкаос устыно. Соин ик кулэ помещениос но кулэ инвентарь дасяно.

Засухаен нюр'яськон

Выли верам уж'ёсыз орчтымен артэ ик асьмеос засуха калэ стихийной из'ян'ёслэсь гарантировать каремын ёвл. Асьме условиосын засухаен нюр'яськонэз тужгес но дуно луис культураосыз ву кыста нэн орчтыны луэ. Со понна кизем юлы матын интыосын котькуд колхозлы ву тымет'ес лэстыно. Гектарлы быдэ ву кыт'он норма 6100 ведра лэд'яно. Ву кыстыны паськытэн вёлмем амал 1935 арлы бекчосын ву нулдыса кыстаган луэ. Со понна 18-20 ведра тэрымон бекчос лэстыно но кык погыляно уробоосе пуктоно Бекчелэн бер палаз пулэсь плотно лэстытэм ящик тупатйське, солэн куздалаэз 1 метр пасьталаэз но мурдалаэз 6-8 см. Ящиклэн берпалаз 2 миллиметрен 1'0 дорожь пасьёс лэстытйське. Бекчосы ву ящике нимаз лэстытэм пасьтй вия, со пась 2 см-лэсь бадзым медаз ло. Отысен бекчосен ящйкез герзась дырдытй ваське.

Тазы ужаца, одйг нуналлы 0,1 га вылэ ву кыстаганэз быдэстыны быгатэ.

Озы тйи, зэмэз но выли удалтонлык но трудоденьлы быдэ трос нянь бастэммы ке потэ, выли верам ужрад'ёсыз ваньзэ но ёчлыко быдэсьяно.

Талы Барабанов янгыш

Б-Кибья сельсоветысь „Васильево“ колхозын паргырон быдэстымтэ на. Колхоз председателы выль луоз ни-шуса. курсы дышетскысез витыса улйз, колхоз ужез юнматов понна өз сюлмаськы. Сезы куроез сисытйзы, вал суралтыны ке куро ёвол. Соин валче вал'ёс пачар луыса, тырон нормаосыз уг быдэсьяло. Колхоз куроез сисытэмез, паргыронэз бер кельтэмез понна Барабановез визьмано.

П. И.

Алнаш

райисполкомын

Алнаш райисполком президиумлэн 5-тй апреле 1935 арын 4 №-ро одно косыса тылпуэн нюр'яськон сярсь пуктэмез вёзы ватсаса, 20-тй мае 1935 арын райисполком лэн президиумез пуктйз.

1. 20-тй пункт борды таке кыл'ёс ватсано:

а) „нош сельсовет президиум'ёслы, предупредить карон сяна, итафовать карыны эрик сётэмын ёвл.“

б) 19-тй пункт'я эскерын юнматэм организациос но мурт'ёс та одно косыса пуктэмез тйсь мурт'ёс вылэ материал гожтыса, янгыше уськытон понна, жегатскытэк РИК-лэн президиумаз сётэно“.

Кызы ми тылпуэн нюр'яським

„Красный партизан“ колхоз (Алнаш сельсовет) тылпу потонлы пумит нюр'яськонлы туэ нимыстыз саклык вис'яз. Конной двор вёзы 479 ведра тэрымон вуэн чан пуктэмын. Отын ик лабас улын пожарной машина дась сылэ, бекчосын

Редактор С. ПЕТРОВ поттйсь Райисполком

Совето союзлэн мирной политикаезлэн вормен'ёсыз

13—15 мае франциялэн мининделэз Лаваль Мо-сквае ветлйз

Сталин Молотов но Литвинов эш'ёслэн Францилэн мининделэныз г-н Пьер Лавалэн беседазы сярсь ивортон

Сталин, Молотов но Литвинов но г. Лаваль 2 мае 1935 аре Советско-французской договор гожтэмлы асьсэлэсь шумпотэм мылкыдзэс веразы. Совето Союзлэн, Францилэн представительёсы та договорен кылдытэм ваче оскон сярсь вераны луонлык бастйзы.

Ваче мылкыд'ёсыр вош'яськонзы дыря кык пал'ёслэн ик огкадь учкем'ёсы шёдйсько. Сталин эш Францилэсь аслэстыз вооруженной кужым'ёсэ кулэлыко выльлыкын вазён понна государственной оборона политиказэ умоен лэд'яса вераз.

СССР-лэн но Францилэн представительёсы Европанысь калык'ёслэн интересыя нуискысь политикалы котькызы ик юрттон мылкыдзэс возматйзы.

Кык кун'ёслэн ик представительёсы оgedлы оged юрттэт сётон сярсь СССР но Франция куспын договор гожтэм региональной восточно европейской пакт гожтонлэсь кулэлыкэз уг кулэсты шуса тупатйзы. Кык правительствоос ик тае быдэстон понна дипломатической сюрес'ёс утчаны кужыммес поном шуса вераскызы.

Оgedлы оged юрттон сярсь Совето Союз но Чехословакия куспын договор гожтэмын

Прагаын Совето Союзлэн Чехословакиясь полпредэз Александровской эш но Чехословакиялэн мининделэз г. Бенеш оgedлы оged юрттэт сётон сярсь СССР но Чехословакия куспын договор подписать карызы.

Прага 16, Оgedлы оged юрттэт сётон сярсь Совето Союз но Чехословакия куспын договор гожтэмен мининдель Бенеш завтрак сётйз. Завтракын Чехословакия ласянь—Бенеш, мининделлэн эшез Крофта но мукет'ёс вал. Совето Союз ласянь СССР-лэн полпредэз Александровский торгпред Килеач, полпредстволэн советникез Ильин, Женевской но военной аташе Ежельянов Сурик пукизы. Завтракын Бенеш но Александровский ваче веран'ёсын вош'яськызы. Соослэн верам'ёсыстызы договор Совето Союз но Чехословакия куспын отношенииосыз юнматовлы но паськытатонлы юрттоз шуса осконлык адзиськызы.

Договор гожтэмен Бенеш Литвиновлы ёчкылан телеграмма ыстйз.

М. Хромшин.